







trienio in  
triennum.

Lotharingæ Provincialis eligatur: altero vero subsecquenti triennio e Fratribus districtus Picardiæ, Attrebatii, & Hannoniæ Provincialis eligatur: cæteris electionibus tum Priorum, tum Definitorum, aliorumque Officialium, remanentibus juxta pristinum usum, hætenus observatum, & imposterum in eadem Provincia observandum, auctoritate Apostolica tenore præsentium statuimus & ordinamus.

Præsentium  
Literarum  
firmitas

§.3. Decernentes, easdem præsentibus litteras semper firmas validas & efficaces extiterere & fore, suosque plenarios & integros effectus fortiri & obtinere; ac illis, ad quos spectat & pro tempore quocumque spectabit, in omnibus & per omnia plenissime suffragari, & ab illis respective inviolabiliter observari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Et obstantium  
derogatio.

§.4. Non obstantibus Constitutionibus & Ordinationibus Apostolicis, ac, quatenus opus sit, Provinciali, & Ordinis hujusmodi, etiam, juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis, in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 3. Martii 1733. Pontificatus Nostri Anno Tertio.

F. Card. Oliverius.

LXXXVII.

Die die 17.  
Martii 1733.  
Pont. An. III.

Confirmatio Decretorum Commissariorum Generalium Indiarum Ordinis Minorum Sancti Francisci Discalceatorum, circa missionem Visitationis ad Provinciam Sancti Gregorii in Insulis Philippinis ex aliena Provincia &c.

CLEMENS PAPA XII.

Ad futuram rei memoriam.

Sacrum ne  
Visitationis  
Provinciæ Philippinæ.

§.1. Exponi Nobis nuper fecit dilectus filius Vincentius Ingles Minister Provincialis Provinciæ Sancti Gregorii in Insulis Philippinis Ordinis Fratrum Minorum Sancti Francisci Discalceatorum nuncupatorum, quod dilecti filii Joannes de Soto, & Dominicus Lofada, ultimus ac modernus respective Commissarii Generales Indiarum dicti Ordinis, quædam decreta pro bono dictæ

Provinciæ regimine ediderunt, quibus, Commissariorum Generalium hujusmodi antecessorum suorum ordinationes confirmando, mandarunt Commissario Generali novæ Hispaniæ Ordinis præfati pro tempore existenti, ut nullatenus mittere valeat ad dictam Provinciam Visitatore ex aliena Provincia: neque eligat vel nominet ex eadem Provincia alium præter tres, a suo Definitorio propositos, ad Visitationem: similiter ne detineat Vocales & Procuratores missos ab eadem Provincia, neve se intromittat in eorum Eleemosynis, neque in negotiis sibi commissis: & alias, prout uberius continetur in ipsorum Joannis, & Dominici Commissariorum hujusmodi patentibus literis, desuper confectis, ac de Hispanico idiomate in latinum versis, tenoris, qui sequitur, videlicet:

Eligatur ex  
aliena Pro-  
vincia.

Et a suo non  
propositus De-  
finitorio &c.

Fr. Joannes de Soto Lector Jubilatus, Theologus Regius pro congressu Immaculatæ Conceptionis, & in hac Familia Cismontana totius Ordinis S. P. N. Francisci Commissarius Generalis, & Indiarum, & Servus &c.

RR. PP. Provinciali, ac Venerando Definitorio Provinciæ nostræ Sancti Gregorii Philippinarum, salutem in Christo Jesu Domino Nostro.

Tenor Statuti  
edicti ab ul-  
timo Com-  
missario Gen-  
eralium Gen-  
eralium.

§.1. Quoniam Nobis constat R. P. Joannem Luengo, antecessorem nostrum Commissarium Generalem Indiarum, perpendendo inconvenientia gravia, quæ oriebantur ex generali Regula, mittendo ad eam nostram Provinciam Commissarium Visitatore ex aliena; & quia magis proportionata admitendum ex ea Visitatore erat Provincia nostra Excalceatorum Sancti Didaci in Mexico, quæ est adeo distans & remota, ut est notorium; & præterquamquod Visitatores gravissimo periculo vitæ debebant exponi, non poterant Provinciam adire absque gravissimis expensis, parum conformibus pauperum, quam juxta Regulam nostram professi sumus, & quin Provincia exhausta maneat ad succurrendum veris necessitatibus suorum Fratrum, si expensas faciat Visitatoribus in eundo & redeundo; his omnibus attentis Paternitas Sua Reverendissima, utens facultate a lege concessa, ut possit eligi Visitator ex eademmet Provincia visitanda, quando ita fuerit expediens, vel ad sit grave aliquod impedimentum, ut ex alia mittatur; & cupiens occurrere supra expressis inconvenientibus, disposuit, ordinavit, & præcepit suis litteris Patentibus, ut imposterum Visitator nostræ Provinciæ Philippinarum eligatur ex Patribus benemeritis ejusdem Provinciæ, & quod non admitteretur ex ulla alia Provincia. Propterea cum pro parte ejusdem nostræ Provinciæ eadem Nobis fuerit facta representatio, & supplicatum, ut dignaremur præfata omnia confirmare nostris litteris Patentibus, & pariter alias litteras Patentes circa idem, & in quibus etiam cavetur, ne Commissarii Generales novæ Hispaniæ detineant Vocales seu Procuratores a dicta Provincia missos: nec

Ne Commissarii  
Generales  
Hispaniæ Vo-  
cales ex illius  
Provinciæ de-  
tineant.

Nec se intro-  
mittant in  
eorum ele-  
mosynis, &  
negotiis:

nec se intromittant in eleemosynis ad eandem pertinentibus, neque in negotiis & dependentiis, quarum causa veniunt, emanatas a prædecessoribus nostris RR. PP. Juliano Chumillas sub 29. Septembris anni præteriti 1688. & Josepho Sunz sub 26. Aprilis 1713. confirmando antecessores, & aliam a dicto Reverendissimo Chumillas expeditam die 28. Maji 1689. in qua ordinat & præcipit dictus RR. PP. Commissariis Generalibus novæ Hispaniæ pro tempore, ne possint mittere, nec nominare in Visitatore dictæ Provinciæ, nisi unum ex tribus, ad hunc effectum præsentatis a Reverendo Definitorio ejusdem Provinciæ; Igitur, conformando Nos dictamini dictorum trium antecessorum nostrorum fundato in sancto zelo, prudentia, & æquitate, virtute præsentium, & in hac parte utentes nostræ potestatis plenitudine, confirmamus, omnes Patentes, & supra expressas determinationes his nostris pro insertis habentes, & denuo ordinamus & præcipimus per Sanctam Obedientiam in virtute Spiritus Sancti, & sub poena excommunicationis majoris latæ sententiæ ipso facto incurrenda, Rev. P. Commissario Generali moderno, & pro tempore, ut nullatenus mittere audeant ad dictam Provinciam Philippinarum Visitatore ex aliena; neque eligant vel nominent ex eadem alium præter tres a suo Definitorio propositos ad visitationem, eo modo, quo præceptum & confirmatum fuit a dictis RR. prædecessoribus nostris Commissariis generalibus Indiarum. Et similiter præcipimus, ne detineant Vocales & Procuratores missos a dicta Provincia, neve se intromittant in eorum eleemosynis, neque in negotiis sibi commissis: Sed potius ordinamus, & monemus, ut cum omni benignitate, charitate, & religiosa affabilitate ipsos recipiant & tractent, eisdemque assistant & faucant in omnibus necessariis ad eorum expeditionem & conductionem in his, quæ ipsis exposuerint; quoniam ita convenit ad bonum gubernium dictæ Provinciæ nostræ, qui in omnibus hic expressis, & in aliis Patentibus prædecessorum nostrorum, hac nostra, ut dictum est, confirmatis, possit, nec debeat esse aliqua tergiversatio: & Vestris Patribus Reverendissimis ordinamus & præcipimus, ut adimpleant, adimplere faciant, in quantum ad ipsos attinet, omnia his nostris litteris contenta, ipsasque notificent per originales vel authenticam copiam Rev. P. Commissario Generali moderno vel pro tempore respective Provincialium novæ Hispaniæ, ut ipsis constet de hac nostra dispositione, & ipsam ad litteram observent, uti præceptum & determinatum est. Datum in hoc nostro Conventu S. P. N. Francisci Matriten. 3. Januarii 1724.

Fr. Joannes de Soto Commissarius Generalis, & Indiarum.

Fr. Didacus de Espinosa Secretarius Generalis Indiarum.

Fr. Dominicus Lofada Regularis Observantiæ Sancti P. N. Francisci Lector Jubilatus Complutensis, Catholicæ Majestatis pro Immaculatæ Conceptionis Regali congressu Theologus, Exprovincialis Provinciæ Castellæ, Pater illius Sancti Jacobi, Exsecretarius Generalis Ordinis, & Commissarius Generalis omnium Indiarum occidentaliæ, & Servus &c.

Eadem De-  
creta confir-  
mata a mo-  
derno Com-  
missario Ge-  
nerali.

RR. PP. Provinciali, ac Vener. Definitorio nostræ Provinciæ Sancti Gregorii Philippinarum, salutem, & pacem in Christo Jesu Domino Nostro.

§.3. Quoniam Rev. P. Fr. Joseph a Sancta Ella Prædicator, ex-Prominister, Pater, & Procurator præfate nostræ Provinciæ Sancti Gregorii, Nobis præsentavit Memoriale, quoddam nomine dictæ Provinciæ, per quod confirmari supplicat litteras Patentes expeditas die 3. Januarii 1724. a Reverendissimo P. N. Fr. Joanne de Soto, Lectore Jubilato, Catholicæ Majestatis pro Beatæ Virginis Immaculatæ Conceptionis Regali congressu Theologo, & Ministro Generali totius Ordinis S. P. N. Francisci, cum esset Commissarius Generalis Indiarum, in quibus confirmat, & sub gravibus poenis observare præcipit Patentes RR. Commissariorum Generalium Indiarum antecessorum ipsius, ad eandem Provinciam Sancti Gregorii Philippinarum, ipsiusque salubrius gubernium attinentes, propterea virtute præsentium manu propria subscriptarum, majori sigillo nostri officii munitarum, & per Secretarium nostrum referendarium, conformando Nos cum maturo dictamine & sensu dictorum nostrorum antecessorum, uti innixis iusto ac sancto zelo, prudentia, & æquitate, confirmamus Patentes omnes & Decreta supra expressa, quæ hic pro insertis, ac si de verbo ad verbum exprimerentur, habemus; & denuo præcipimus in virtute Sanctæ Obedientiæ sub poena excommunicationis majoris latæ sententiæ ipso facto incurrenda, admodum Rev. P. Commissario Generali novæ Hispaniæ moderno, ac pro tempore, ut nullatenus audeant mittere ad dictam nostram Provinciam Philippinarum Commissarium Visitatore alienæ Provinciæ, neque eligant vel nominent ex eadem Provincia aliquem, nisi unum ex tribus ab eadem Provincia, vel ipsius Definitorio propositis & presentatis; & pariter, ut nullatenus detineant Vocales & Procuratores ab eadem Provincia missos, nec se intromittant in eleemosynis, & negotiis hujusmodi Procuratorum curæ commissis; & quod observent omnia contenta & expressa in dictis litteris Patentibus Reverendissimi Patris nostri Joannis de Soto, & aliorum Commissariorum Indiarum in ipsis confirmatis, quas notificari faciant in originali, vel copia authentica, Rev. admodum Patri Commissario Generali novæ Hispaniæ moderno, vel pro tempore, ut ipsis constet de hac nostra ordinatione, ipsamque ad litteram, uti præceptum est, observent. Datum in hoc Conventu

T t tu